

KP, 07.11.1874

Z Radworja, 28. oktobra. Džensa bu naša nowa šula přez wysokodostojneho Can. Cap. Cant. knj. Jakuba Kučanka cyrkwinsky poswjećena. Po spěwanej božej mši bu zhromadženej wosadže a šulskej młodžinje we swjećeńskim přědowanju na wutrobu položene, za čo maja so w nastupanju noweje šule Bohu džakować a wo čo jeho prosyć. Po „Veni sancte Spiritus (přińdź swjaty Ducho)“ poda so swjećeński ćah, we kotrymž so tež naš kollator knj. hrabja Klemens z Einsiedel z Radworja a tachantski šulski direktor knj. Pětr Šořta z Budyšina namakašaj, z farskeje cyrkwy k nowej šuli, mjez tym zo so ze wšěmi zwonami zwonješe. Před šulu a we šulskimaj stwomaj buchu swjećeńske modlitwy wuspěwane a k tomu słušace wobrjady wukonjane. Skónčnje bu we cyrkwi chwalbny kěrluš Te Deum laudamus spěwany. Bóh daj, zo by nowa šula hako městno rozwučenja a křesćanskeje ćahnytby (red.:kubłanja) jeno dobre a wužitne sobustawy za swójbu, wosadu, kraj a cyrkej kubłała. H.D.

[Wróćo k poswjećenju šule](#)

From:

<http://chronik.klimann.de/> - Radibor - Chronik

Permanent link:

<http://chronik.klimann.de/doku.php?id=sula1874-wotewr>

Last update: **2026/02/22 11:49**

